

宋

會

要

宋會要

請城山界

元豐五年五月二十六日鄜延路經略使沈括副使种諤言準朝旨條具制賊方畧仍畫一其所乞城山界事今者涇原方議進討賊未必敢舍巢穴而固山界本路正當可為之時今具大意臣等歷觀前世戎狄與中國限隔者利害全在沙幕若彼率衆度幕入寇則彼先困我度幕往攻則我先困然而西戎常能為邊患者以幕南有山界之粟可食有山界之民可使有山界之水草險固可守我師度幕而北則須贏糧載水野次窮幕力疲糧窘利於速戰不幸堅城未拔大河未渡食盡而退必為所乘此勢之必然也所以興靈之民常宴然高枕

而我沿邊城寨未嘗解嚴者地利使然也今若能使幕
南無粟可食無民可使無水草險固可守彼若羸糧疲
師絕幕而南頓兵沙磧仰攻山界之堅城此自可以開
閑延敵以逸待勞去則追擊來則惜力治內之勢在我
而委敵以空野堅城之不利又山界既歸於我則所出
之粟可以養精兵數萬得虜之牧地可以蕃息戰馬監
池可以來四方之商旅鐵冶可以益兵器置錢監以省
山南之漕運彼之所亡者如此我之所得者如此而又
絕和市罷歲賜驅河南之民聚食于河外彼將何以自
贍更使之賂契丹結董種乃所以交困之也山界既城
則下瞰靈武不過數程縱使堅守必有時而懈沿邊修

戰備積軍食明斥堠待其弛備浹河之舟以塞大河
下橫山之卒擣其不意此一舉可覆也兼梁氏與萌訛
首為悖亂使一國之民肝腦塗地彼寧不猜怨獨以兵
威劫束勢不得動耳急之則併力緩之則自相圖此曹
操所以破袁紹也又言昨條具制賊方畧非謂展招邊
面而已蓋欲窮困賊勢窺其腹心須當盡據山界若占
據山界不盡則邊面之患猶在沙幕尚為彼用若占盡
山界則幕南更無點集之地彼若入寇須自幕北成軍
而來非大軍不可如此當先擇險要之地立堅城宿重
兵以為家計今按視塞北古烏延城正據山界北垠舊
依山作壘可屯士馬東望夏州且八十里西望宥州不

遇四十里下瞰平夏最當要衝土地膏腴依山為城形勢險固欲乞移宥州於舊宥州地平難守兼在沙磧土無所出先於華池油平築堡以接兵勢川路稍寬可通車運聚積糧草器具事事有備併力烏延先補山城山城畢乃築平城此地膏美去鹽池不遠其北即是牧地他日當為一都會鎮壓山界屏殺郿延其銀夏州及可置鹽監鐵冶錢監馬牧因險控扼候烏延功畢漸次計畫仍乞將塞門寨以北石堡背水油平羅幃鹽池一帶為中路隸宥州未脂浮圖葭蘆義合吳堡銀州一帶為東路隸綏德以金瑒長城嶺德靖順寧寨一帶為西路隸保安軍除本路九將外更增置四將以新招土兵分

隸沿邊八將駐劄邊面次邊三將駐於金明青澗城延
州近裏兩將在鄜州河中府其沿邊八州權貨客鹽自
賣交鈔本為禁止青白鹽立法將來青白鹽池既歸我
八州軍自可不食解鹽乞以鹽州隸本路就收鹽課應
副沿邊兼糴買糧草除新克復州軍各係創增課額外
舊來八州亦減得地里增饒錢貫萬數不少所有合計
備事除本路及轉運司可以那移外乞朝廷應副錢萬
緡廂軍萬五千人工匠千人遞馬百匹乞於近裏州軍
應副生熟鐵五萬觔牛馬皮萬張車二十乘本司及轉
運司備義勇保甲萬人應副以代禁軍有事役者又言
朝廷若定議城守山界即乞起涇原兵馬牽制及本路

屢捷之後乘勢興修若遲留月日即恐西賊有謀費力
平蕩又稱將來興修烏延畢當復夏州則東西相控扼
山口其中路以東城寨盡在腹內來則制其衝去則斷
其後詔沈括所奏乞盡城橫山占據地利北瞰平夏使
虜不得絕磧為患朝廷以舉動計大未知利害之詳遣
給事中徐禧內侍省押班李舜舉往廊延路審議可深
講經久所以保據利害以聞

宋會要

諸堡

金村堡

陝西環慶路慶州安化縣金村堡嘉祐元年修復元豐二年廢

鐵城堡

陝西熙河路岷州鐵城堡熙寧十年置

擦珠堡

熙寧元年八月十三日秦鳳路走馬承受公事王有度言秦州修畢利城擦珠堡役本州六縣義勇乞與免諸般科配三年權住今冬閑教一次城下般運糧草材植義勇及弓箭手寨戶公路身死者及量支孝贈錢詔義

勇特與免二年科配因般運糧草及工役身死者每人
孝贈錢二貫文弓箭手寨戶亦依此

聶翠堡

荆湖路北路石泉軍聶翠堡政和八年以三隘堡改

山丹堡

熙寧三年二月二十八日秦鳳路經畧使李師中言廢
山丹納速乾川三堡增收秦州伏羌寨為城從之

龍潭堡

荆湖路北路辰州龍潭堡元豐二年置

遮羊堡

陝西熙河路岷州遮羊堡穀藏堡並雍熙七年置內遮

羊堡尋隸通遠軍元豐元年復來隸

馬務堡

陝西熙河路岷州馬務堡雍熙六年自秦州來隸

馬川堡

元豐五年七月二十三日詔鄜延路見修六寨其長城
嶺寨以西接連環慶路金湯白豹已指揮環慶路差二
人並邊照應若別無興作即是虛勒軍馬令徐禧沈括
計議其當進築城寨處與曾布議定以聞八月二十五
日環慶路經畧使曾布言洛原故城可以建一城白豹
和市可以建一寨宮馬川可以建一堡從之令李察應
副侯卿延路兵勢相接方興板築

渭川堡

秦鳳路通遠軍三全羊渭川堡熙寧五年自秦州來隸
內七羊渭川堡元豐七年廢

南川堡

陝西熙河熙州當川堡南川堡並熙寧六年置

乾川堡

陝西秦鳳路秦州丹山納迷乾川堡並熙寧三年廢

安川堡

陝西熙河路熙州安川堡元符三年以臆哥堡改

鎮川堡

陝西東路麟州新秦縣鎮川堡慶曆二年置

隴城川堡

陝西秦鳳路秦州隴城川堡慶曆五年修

北河堡

陝西熙河路河州西原堡北河堡並元豐三年置

寧河堡

陝西東路大和彌川通秦寧河堡元符二年進築各附寨為名大和寨堡隸麟府路通秦彌川寧河寨堡隸嵐石路

東谷堡

陝西熙河路河州東谷堡熙寧七年置

澗精谷堡

陝西熙河路河州潤精谷堡熙寧七年置

東關堡

陝西熙河路蘭州東關堡皋蘭堡元豐四年置內皋欄堡七年廢 紹聖三年五月六日權熙河蘭岷路經畧司公事游師雄言東關質孤勝如堡定遠城一帶舊管認巡檢地分除東關質孤堡北隔大河外並係占穩地形可以探望賊馬又定遠城熨斗平堡通四道諸寨巡緝地分皆在口鋪之外並係自後巡馬所到乞並管認為界詔從之仍令經畧司差人巡緝卓望令西人習知此處為界

西關堡

陝西熙河路蘭州阿干堡西關堡並元豐六年置內西
關堡元祐元年十二月二十二日權發遣熙河蘭路經
畧安撫司公事劉舜卿言蘭州西關堡合行修築從之

園林堡

陝西鄜延路保安軍園林堡慶曆五年置

神木堡

陝西東路麟州銀城縣神木堡慶曆五年置

天村堡

荆湖路北路誠州大由天村堡元豐七年置

文村堡

政和元年七月十一日詔平州依舊作王口寨融江文

村潯江臨溪四堡寨並依舊隸融州廢懷遠縣改從州
作樂古寨通靖鎮安百萬寨並隸九州 乾道四年八
月十四日吏部言廣西宜州德勝融江文村融州臨溪
宜州堰江臨衝五堡主管堡事邕州遷隆鎮融州樂善
融江通道瓊州西峯宜州帶溪思立安遠一鎮七寨同
管轄兵甲公事並見闕遠地元係本路辟差昨承乾道
三年七月指揮送部使闕差注見差親民資序村武人
今欲比附本部見使巡檢知寨條法破格注初任村武
人次經任監當不應村武人從之 先是權發遣容州楊
堯弼奏乞將廣西見
是吏部措置來上故有是命

涯村堡

廢 荆湖路北路成州石家涯村堡元豐四年置元祐六年

零溪堡

荆湖路北路成州零溪堡政和三年置

牢溪堡

潼川府路滋州牢溪堡大觀三年置

安塞堡

元符二年四月二十五日鄜延路經畧司言近於安塞堡北威戎殄羌之門相視地名白落背可以築城寨控扼賊馬尋指揮都鈐轄苗履等統制兵馬進築已畢賜名威羌今又築那娘山青高山并盧關赤煙峯堡寨並

畢其那娘山賜名殄羌其苗履等功狀應賞詔第等與
轉官減年支賜

通寨堡

元符元年五月二十一日環慶路經畧司言修築橫山
寨通寨堡畢工詔如京使李浦以防托部役減二年磨
勘陝西環慶路環州通遠縣通寨堡舊通塞路

木寨堡

荆湖路北路成州羊鎮堡木寨堡崇寧三年置

古寨堡

陝西環慶路鎮戎軍古寨堡元豐五年置

平安寨堡

陝西鄜延路延州豐林縣高頭平安寨堡

汪慶歷六年置

面溪寨堡

荆湖路北路辰州新興鳳伊鐵鑪竹平不樓烏迷驛子
面溪寨堡並熙寧九年廢

石泉堡

政和八年七月八日樞密言據知城都府孫義叟等奏
建築石泉軍寨堡又討蕩過番賊了當保明到立功人
承節郎高震等詔各轉官一資

荔原堡

治平四年閏三月二十三日陝西四路沿邊宣撫使郭
達言已令環慶路經畧使於馬蘭平修築堡寨及秦功

畢賜名荔原堡先是環慶蔡挺奏准入內供奉官王中
修築堡寨令逐里相度有鹽堆城本司勘會慶州華池鎮口
界西北面四十里舊有鹽堆城山嶺下臨不堪修築次南
遂差官巡行相度到鹽堆城嶺下臨不堪修築次南
一里半地名馬蘭平三面臨山嶺下臨不堪修築次南
聞提復以是事咨達時卿延路營築堡寨頗為機會故
二族亦修保障達以兩路同時營築堡寨頗為機會故
不候修建治平四年四月十八日詔秦州德順軍慶州
令提修建治平四年四月十八日詔秦州德順軍慶州
近割置雞川治平荔原等堡寨本為防托邊界屬戶通
行兵馬令逐路不得多招漢戶居止常切約束無令過
一百戶

通津堡

陝西熙河路湟州通津堡崇寧三年以達南宗改荆湖
路北路石泉軍通津堡政和八年以通牛堡改宣和三

年廢

通渭堡

神宗熙寧元年七月六日陝西經畧使韓琦已委秦鳳路副都總管楊文廣於擦珠谷修一大堡於近裏城寨差撥人馬防守候修畢即乞廢罷納迷山丹菜園白石了鍾五堡使臣軍兵及畢利川無主荒閑地土甚多見行封標招置弓箭手從之仍詔納迷山丹堡正係秦州入古渭寨徑直大路蕃部往來至永寧寨解賣鞍馬仰照切照管毋致梗澁及奏功畢賜名通渭堡賜文廣對衣金帶銀鞍勒馬餘賜各有差熙寧二年二月八日秦鳳路經畧安撫使司言秦州甘谷城通渭堡至古

渭寨一帶弓箭手耕種堡子已差官相度檢計功限修築次詔令孫永委差去將官相度須量逐處地分所管人馬多少遇事宜保聚老小能容着得盡方為穩宜五年改為寨

飛山堡

荆湖路北路誠州飛山堡大觀二年置

三城堡

元豐五年八月五日熙河蘭會路都大經制司言本路女遮川洛施亂洛宗三城堡未築已相度因今防秋興省財力而辦事已牒李察合團結河東京西廂軍九千接續應副從之

阿原堡

陝西環慶路環州通遠縣阿原堡三年以阿^源烽置

臨洮堡

陝西熙河路熙州臨洮堡元豐七年置

邛水堡安夷堡

潼川府路遵義軍邛水堡安夷堡宣和三年以思州邛

水縣安夷縣改

大洲堡

潼川府路瀘州合江縣鎮溪梅嶺大洲堡並元豐四年

置

石門堡

元符二年三月十七日涇原路經畧司言進築通峽蓋
羌九羊寨石門堡畢工詔修築將吏各減年磨勘循資
及賜銀帛有差陝西環慶路德軍石門堡政和七年
以石子門置

潯江堡

廣南路西路融州融水縣臨溪文村潯江堡並元豐七
年置

蓮城堡

紹興三年七月十五日福建路汀州言乞將蓮城堡創
置一縣詔依以蓮城縣為名

羅溝堡

陝西環慶路環州通遠縣羅溝堡政和三年以大羅溝置

平隴堡

荆湖路北路石泉軍平隴堡政和八年以石壠堡改宣和三年廢

慶平堡通谷堡

陝西熙河路熙州慶平堡通谷堡並熙寧五年置

嘉平堡

荆湖路北路石泉軍嘉平堡政和八年以李平堡改通平堡

荆湖路北路誠州通平堡政和八年置

綏平堡

陝西熙河路湟州綏平堡崇寧三年以堡敦谷置

斗平堡

陝西秦鳳路通遠軍榆木盆尉斗平堡元豐五年置

古高平堡

陝西環慶路德順軍古高平堡元符元年置

耳朶城堡

陝西環慶路原州立馬城堡耳朶城堡並慶歷五年置

貼園城堡

陝西秦鳳路階州貼園城堡熙寧七年復修

東西口堡

陝西環慶路鎮戎軍東西口堡硝坑堡熙寧元年置

東水口堡

陝西環慶路鎮戎軍東水口堡元豐四年廢

隴陽堡

陝西秦鳳路秦州尖竿隴陽堡並熙寧四年置

連雲堡

荆湖路北路石泉軍連雲堡政和八年以赤朱中路小堡改

凌霄堡

荆湖路北路石泉軍凌霄堡政和八年以七星閣堡改

張義堡

陝西環慶路鎮戎軍張義堡熙寧五年置 元豐元年
六月十二日知鎮戎軍張守約言張義堡四面受敵易
攻難守堡南一里有舊堡三面臨厓城兩重皆不受敵
乞存新堡外更修繕舊堡移置倉草場及見任監押令
主管上下兩城兵馬煙火遷解舍於舊堡從之

連隆堡

陝西秦鳳路秦州連隆堡慶歷五年置

仁懷堡

潼川府路滋州仁懷堡宣和三年以滋州仁華縣改

敷文堡

荊湖路北路延寧軍敷文堡宣和三年以關改

善治堡

陝西熙河路湟州善治堡政和六年以丘護改

惠寧堡

陝西東路麟州新秦縣惠寧堡慶歷五年置

壽寧堡

荆湖路北路延寧軍壽寧堡宣和三年以寨改

武寧堡

潼川府路長寧軍武寧堡寧堡並宣和三年以寨改四年復

威寧堡

陝西環慶路環州通遠縣威寧堡舊青川堡

安定堡

陝西廊延路延州豐林縣安定堡

以馬蹄川置

肅定堡

陝西東路麟州連谷縣橫陽堡肅定堡並慶歷五年置

靜勝堡

陝西熙河路會州靜勝堡政和六年以接應堡改

靖化堡

陝西東路府州府谷縣西安堡靖化堡並慶歷年修復

靖安堡

陝西環慶路原州靖安堡慶歷五年置管八保曰中郭
善吃羅盆中嶺張崑常理新勒雞川殺樟川 荆湖路

北路石泉軍靖安堡政和八年以鹿王堡改

中安堡

陝西環慶德順軍中安堡慶厯三年置

通安堡

荆湖路北路石泉軍通安堡政和七年以天尊坪堡改
宣和三年廢

啞兒堡

陝西秦鳳路通遠軍啞兒堡皇祐二年置元豐七年廢

女遮堡

元豐五年十二月熙河蘭會路走馬承受公事樂士宣
乞且罷來春修女遮堡令季憲相度以聞其後詔憲隨

力經營之

涼棚堡

陝西環慶路鎮戎軍信安堡涼棚堡治平四年置

鎮鋪堡

元豐元年十一月二十八日荆湖南路安撫使謝景溫言相度轉司乞以邵州武岡等縣保丁於界上置鋪堡其已發往關陝等寨弩手並就本縣差填所置鎮鋪堡望辰州界並在百里內欲許保丁依條置器甲以備保聚教習從之非蠻界百里內者不用此法

欄干堡

陝西東路麟州連谷縣欄干堡治平三年置

衡家堡

陝西環慶路環州通遠縣衡家堡舊麥涇堡

護橋堡

荆湖路北路石泉軍護橋堡宣和三年廢

索橋堡

荆湖路北路延寧軍索橋堡宣和三年廢

慈竹堡

潼川府路純州慈竹堡舊慈竹寨宣和三年改

床穰堡

陝西秦鳳路秦州床穰堡開寶九年置管小寨十一曰
靜邊臨川德威廣武寧遠長樵定川陝河安遠和戎鎮

邊熙寧三年罷為鎮十年改為堡

焦蒿堡

慶歷六年五月十九日詔環慶路經畧司比夏國人馬累至後橋焦蒿堡十二盤開築舊堡其地雖然係漢界兵馬所得然夏國今納款稱臣不欲出兵拒絕其令彼土蕃戶住坐如故仍畫壕為界

賓草堡

熙寧三年三月十八日詔囉兀城宜令趙高相度如不可令棄毀訖奏河東所報探西賊水軍恐於石州渡河令呂公弼過為之備撫寧失陷人令經畧司按寔具數聞奏囉兀城賓草堡令轉運司更不得運糧草前去

七麻堡

陝西秦鳳路秦州者達當七麻堡並熙寧五年廢

洛宗堡

^開元豐五年十月十一日上批付苗授蘭州城壕至今未
濬非久黃河水合咫尺賊界於邊計極未便李浩所乞
修洛施乳洛宗二堡雖已畫可聞本路禁軍累經和雇
版築人力疲弊甚要休息且併工營葺蘭州及龕谷使
有金湯之恃其二堡俟來春有餘力為之

護耕堡

紹聖三年九月十四日權發遣熙河蘭岷路經畧司公
事王文郁言龕谷寨係極邊控扼衝要之地昨為乏水

移於李諾平修建為定遠城廢為護耕堡今有四井見
水居民千餘口更添屯人馬千餘騎可以給足合修充
守禦以龕谷堡為名以勝如堡巡檢於龕谷堡置廨宇
管幹龕谷勝如兩堡弓箭手公事兼道路巡檢差步兵
四百人相兼守禦從之

廣吳堡

陝西秦鳳路通遠軍廣吳堡皇祐五年置元豐七年廢
神堂堡

陝西環慶路環州通遠縣神堂堡大觀二年置
隴諾堡

陝西秦鳳路秦州岷州大甘隴諾堡並熙寧元年置

勝如堡

陝西熙河路蘭州勝如堡所孤堡並元豐五年廢

結阿堡

陝西熙河路熙州結阿堡熙寧七年置

橫望堡

荊湖路北路石泉軍橫望堡政和八年以赤朱堡改

圻候堡

陝西東路府州府谷縣河濱圻候堡並至和三年修

復

通路堡

陝西熙河路湟州通會堡元符元年以李廝堅谷口置

開光堡

陝西廊延路膚施縣開光堡元符元年修築

開遠堡

陝西環慶路鎮戎軍開遠堡咸平元年置

寧遠堡

陝西環慶路鎮戎軍寧遠堡大中祥符三年置

太和堡

元符二年八月二十五日端明學士中大夫河東路經

畧安撫使知太原府林希為太中大夫資政殿學士以

進築太和等八堡寨畢工也朝奉大夫提舉江府崇禧

觀孫覽為寶文閣待制知光州以前知太原進築烏龍

神泉寨畢工也

大同堡

陝西熙河路湟州大同堡政和六年以接應堡改

會同堡

荆湖路北路石泉軍會同堡宣和八年以兩會堡改

三交堡

陝西東路火山軍三交堡舊三交川元符元年置

冶坊堡

陝西秦鳳路秦州冶坊堡太平興國二年置管小寨六
日橋子古道永安四顧威寨李子熙寧四年廢罷五年
復見為堡

堡寨 堡名

卷一百一十五

十六

天禧五年七月七日涇原路駐泊都監王懷信言鎮戎軍浚壕築堡寨工畢詔賜將士緡錢有差皇祐二年六月十七日判延州李昭亮請陝西沿邊小堡寨無使臣管勾者並更為鋪從之嘉祐四年二月十日河東經畧安撫使孫沔請府州西安靖化宣威清塞百勝中候及鄜州橫戎神林惠寧肅定鎮川臨塞等十二堡寨使臣及兵馬糧草令旁近大寨番遣人守護之復創麟州西裴家垣寨積草以應接麟州詔存府州中候百勝寨麟州鎮川寨餘從之治平四年閏三月三日神宗即位陝西四路沿邊宣撫使郭達言秦州青雞川蕃官未改

首級藥廝哥等獻青雞川地土多展城寨招置弓箭手
本司體量若於青雞川南牟谷口修置城寨則秦州與
德順軍沿邊堡寨相接足以斷賊來路已發兵夫修築
去訖詔達具所修青雞川一帶大小堡寨四至役人工
科向去合用戍兵幾何件析以聞 治平四年四月十
八日詔秦州德順軍慶州近轄置雞川治平荔原等堡
寨本為防托邊界屬戶通行兵馬令逐路不得多招漢
戶居止常切約束無令過一百戶 元豐四年四月九
日樞密院言蘭州近修復金城關繫就浮橋涇原進築
古高平沒煙峽城寨下瞰天都不遠尚未與熙河邊面
通徹如將來涇原舉動進築天都鉞鏐川蕭磨移隘等

處又須兩路聲勢相接乃可為肘臂宜更熙熙河安西城東北青石峽口青南訥心東冷牟至會州以來相度遠近修葺寨仍自會州入打繩川建置堡寨置與南牟會相接即與涇原互相照應詔令章綬鍾傳究心體訪山川地理遠近與控扼要害合條築處如何舉動可保全勝具狀以聞 元豐七年六月十三日賜廣西路經畧司度牒二百道應副融州新招納溪洞置堡寨 元豐七年八月一日荊湖路相度公事所言王江一帶自大湓口以上接連檀溪諸蠻與金道路相接朝旨專委主管廣西經畧司機宜文字程節招納措置本處地里闊遠蠻已歸附須築一堡寨以為守備詔節言王江上流地

名安口控扼諸峒其地寬平可建城寨然由王口而上經大湓口老江口皆生蠻徭團族唯以畧峒民板本為生今雖効順各有俸給若建城寨亦須兵威彈壓今欲沿江及中心嶺各治道路漸進先置堡鋪於吉老江量留兵丁以防鈔截糧道然後安口可以積功又言王江一帶團峒東由王口三甲西連三都樂土南接宜州安化北與誠州新招檀溪地密相鄰比熙寧中嘗遣承制劉初領兵丁置寨於安口諸蠻併力殺傷官軍自此蠻情愈更生梗今遍招納例皆効順既當開道路置堡寨驛鋪分兵丁防守乃為久安之計又緣事干兩路與誠州同時措置庶使諸蠻力有所分易為辦集從之哲

宗元祐三年十月十四日勅荆湖南北廣南西路朝廷
疆理四海務在柔遠頃荆湖諸蠻近漢者無所統一因
其請吏量置城邑以撫治之後來邊臣希功獻議創通
融州道路修逼洞穴致生疑懼朝廷知其無用旋已裁
減而邊吏失於撫遏遂爾扇搖作過然按其地止是道
路蠻人因使臣劉宗閔已追官勒停外其湖北廣西見
作過楊晟臺等特免追討除存留守把兵丁外並罷添
屯兵馬其湖北所開道路創置多呈收溪天封羅蒙大
由等堡寨並廢廣西湖南創置堡寨令經畧鈐轄司量
度准此 政和六年十二月十四日御筆熙河造邦三
十餘歲而居圉未全比命偏師扼其襟喉乘勝板築以

及諸路凡二十餘堡寨拓地二百餘里宰執可轉一官
劉正夫鄭居中蔡京並回授有服親兼依轉官例施行
政和七年六月二十四日涇原路經畧使席貢奏應
副使築密多臺飛井塢兩新寨照管堡子七座烽臺十
八座了當契勘密多臺已賜名威多寨飛井塢賜名飛
井寨詔席貢與轉一官

堡障

元豐七年四月十三日廊延路經畧司言準朝旨呂惠
卿言新復四寨深在生界未有保障應接若遣人牛耕
種或見侵略勢不萬全乞候地畢了日施行從之詔
聖二年四月三日熙河蘭岷路經畧司言已與西人約

日定疆界其通遠軍蘭州皆控邊要合保障十二處乞
乘時修築詔候畫界畢先築珠龍川納迷川兩堡其餘
以次鳩工毋失禦侮

堡鋪

元祐五年十月四日鄜延路經畧司言宥州移牒稱為
畫疆界有詔漢界留出草地十里蕃界依數對留欲於
蕃界令存留五里為草地夏國於所在五里內修立堡
鋪令擬到回牒去朝廷務敦恩信特從所乞應見分畫
界至處許於蕃界內存留五里空為草地漢界草地亦
依此對留五里為兩不耕地各不得於草地內修建堡
鋪從之

堡壘

紹興七年正月十八日吏部侍郎充都督府參議軍事
呂祉言委官相度太平州採石渡建康府宣化渡靖安
鎮措置修築堡壘防托已相視到逐處地形見委官措
置修築契勘靖安鎮堡壘周圍長一千二百九十六步
內七百三十步依山修築比之創築極省工力其採石
渡周圍長六百五十四步有古城基址因仍接築地步
工力比靖安鎮減一半詔令呂祉催促疾速修築

城堡

元豐四年八月六日荆湖北路轉運司言已招懷辰州
上溪蠻當漸築城堡緣本屬生蠻地全藉兵威彈壓辰

州雄畧指揮今戍桂州乞追回應副防托上批荆湖北
路昨應副沅州謝麟於歸州蠻界置堡寨民力已困遠
輸豈堪更有興作轉運司更上承准朝命招安遂乃妄
意謀立城柵若不嚴與誠約則希功小人浸淫越職為
國生事已令高鑄分析後鑄上言昨與轉運使孫頤權知
荆南王臨同乞招諭上溪諸蠻量益戍兵所貴諸蠻即
降遂謀築寨緣前奏已開陳故有此請詔釋之 紹聖
二年正月十八日樞密院言請沿邊城堡鎮寨應有公
使錢處並依例策供饋本處有職事官及犒設漢蕃使
臣兵員如敢於創策外輒有饋送并知而受者並坐違
制委逐路經畧安撫鈐轄司逐季點檢從之 紹興二

十六年十二月十三日臣僚言成都府夔州瀘州路嘉
叙黎雅等州有關城堡等寨屯戍人兵控制諸蠻其知
城寨言多是制置安撫使因私謁更互差權類皆營私
苟且不恤邊事欲乞嚴差辟之法定資任之制上諭輔
臣曰蠻夷桀黠從古而然唐以前屢被侵擾入川屬自
大祖兵威撫定以大渡河為界由是不敢猖獗然沿邊
控禦兵官豈可非其人湯思退奏曰欲下吏部措置令本
路撫司選擇差官申制置司體量庶革前弊上曰甚善

築立小堡

元豐四年十一月九日涇原路轉運判官張大寧言自
境領以北山險可就嶺南相地利建一城寨使大軍自

鎮戎軍截糧草至彼更於中路築立小堡以相應接如此則可省民力之半又言臣觀葫蘆河一川南北平坦地皆沃壤若有堡寨可依則其田盡可募弓箭手廣令墾闢止以遣回空夫併力修築若堡寨既成則地基酒稅並可經畫資助軍費上批付盧秉曰張太寧奏乞城蕭關故城以為根蒂成效已見於熙河自城蘭州及展置戍壘之後羌人相繼降附者已數萬帳迄今效順接跡不絕卿其早圖為之

衛家堡

陝西環慶路環州通遠縣衛家堡舊參湮堡

威寧堡

陝西環慶路環州通遠縣威寧堡舊青川堡

邊州

府州

豐州

西涼

宋會要 府州

折氏世為雲中大族唐有折宗本者補振武緣河五鎮
都知兵馬使宗本子嗣倫麟州刺史嗣倫子從阮自晉
漢以來獨據府州控扼西北中朝賴之仕周至靜難軍
節度兼侍中從阮子德辰嗣知州事世宗建府州為永
平軍以德辰為節度亦嘗入朝後遣赴鎮其地險絕實
捍西戎後朝廷疑其彊盛別置軍馬一司以視其舉動
而後力弱非初置折氏居河西之本意也 太祖建隆
元年正月加德辰檢校太師 六月德辰破河東沙谷
寨斬首五百級 二年德辰來朝復遣赴鎮 乾德元
年冬德辰敗太原軍數千于城下生擒偏將楊璘詔褒

之二 二年八月德辰赴行在假詔差弟禮賓副使德源
押賜茶藥仍遣醫官一人往彼 九月德辰卒詔贈侍
中以其子衙內都指揮使御勲為起復雲麾將軍汾州
團練使權知府州事 三年加御勲府州防禦使 開
寶三年二月太祖親征太原御勲不候詔朝行在帝嘉
其意即以御勲為永安軍節度觀察留後及還厚賜遣
之 四年十月以郊祀來朝畢遣還鎮 九年郊祀西
洛復來朝未幾改鎮花海是年以府州馬步軍都指揮
使折御卿為開廐副使知府州御卿即御勲之弟太宗
太平興國四年三月太宗征河東詔御卿與監軍尹憲
領屯兵同攻嵐州又破苛嵐軍殺戮甚衆并擒偽軍使

折令圖以獻又以嵐州偽憲州刺史霍胡擒偽將夔州
節度使馬延中等七人以獻御卿以功遷崇儀使 六
年府州外浪族首領來都等來貢馬 雍熙二年六月
府州女乜族首領來母崖男杜正等內附命遷居茗也
族中 九月以崇儀使折御卿領成州刺史 端拱元
年以六宅使誠州團練使知府州折御卿為府州團練
使兼麟府濁倫寨巡檢使 淳化三年二月遷御卿府
州觀察使 四年四月御卿上言銀夏州管內蕃漢戶
八千帳族悉來歸附錄其馬牛羊萬計 五年五月制
授御卿永安軍節度充麟州兵馬都總管夏銀府綏都
巡檢使 御卿世有功於朝廷尤能釐肅部伍西蕃願

憚之故有是寵 至道元年正月府州言契丹萬餘衆
入寇節度使折御卿率兵擊敗於子河以斬首五百級
獲馬千匹虜將號突厥太尉司徒舍利死者二十餘人
生擒吐渾首領一人大將韓德盛僅以身免帝召使者
於便殿問狀謂左右曰此戎小醜輕進易退朕常誠邊
將不與爭鋒待其深入則分奇兵以斷其歸路因擊殺
之必無遺類也今果如其言左右皆呼萬歲厚賜其使
因遣內侍楊守斌往府州畫地圖來上因遣問御卿向
者戎人從何而土御卿曰虜由山峽間細逕而入意臣
出巡謀入剽掠臣先謀知之預遣內屬戎人邀其歸路
因縱兵疾擊虜敗走塵起迷失本路人馬墜崖谷死者

相枕籍不知其數皆聖靈所及非臣之功帝甚嘉之
十二月御卿卒詔贈侍中以其子惟正為洛苑使知州
事御卿被病虜謀知之韓德威為李繼遷所誘復率
衆入寇以報子河汭之役御卿興疾而行德威聞其至
頓兵不敢進會疾甚其母遣親信召御卿歸就醫藥御
卿曰家世受國恩虜寇未滅御卿之罪也今臨敵安可
棄士卒自便死於軍中是其分也翌日而卒二年三
月入內副都知宋思恭上言得府州管界五族大首領
折突厥移狀稱父折文御授官告補充五族大首領今
文御已_死府州以突厥移承父勾當乞賜真命詔折突
厥移授安遠大將軍依舊充府州管界五族大首領

六月府州勒浪族副首領遇兀等百九十三人歸附貢
馬七匹遇兀舊隸契丹淳化初遷族帳於府州界東至
河百五十里南至府州三十里至是始來貢帝召見慰
勞賜錦袍銀帶遇兀言部族多良馬今始來朝所貢未
備帝曰吾嘉爾忠順之節慕化來歸固不以多馬為意
也 七月以李繼出討賊遷賜麟府州兀泥族大首領
突厥羅安女殺族大首領越都女女夢勒族大首領越
移女女忙族大首領越置女女兒蓼兒族大首領党移
沒兒族大首領莫末移路也族大首領移細也族大首
領慶元洛才族大首領羅保細母族大首領雜保也兀
十族敕書招懷之 三年八月詔府州折惟正歸明以

其弟內園使惟昌代知州事兼麟府濁輪寨都巡檢使
惟正少有狂易病不可治州事故命之十一月知府州
折惟昌等奏臣父嘗奉詔歸投蕃部中有懷二者便令
剪除未敢遵奉施行詔如有蕃部委實違背者依蕃法
例行遣 真宗咸平二年八月河西蕃族叛戎黃女族
長蒙異保及府州叛去熟戶噉訛引繼遷之衆寇麟州
萬戶谷進至松花寨知府州折惟昌與從叔同巡檢使
海超弟供奉官惟信率兵赴戰于城會惟昌于中背墜
馬官軍小斂海超惟信沒焉奏至即日遣內侍勞問賜
金丹法酒錦袍金帶名馬器幣 九月繼遷之黨萬保
移埋沒入寇府州之埋并寨惟昌與洛苑使宋思恭西

京左藏庫副使劉文質赴之戰于橫陽川斬獲甚衆奪
牛馬橐駝弓矢 十一月惟昌又與宋思恭劉文質發
兵渡河破契丹界言泥扶黃太尉寨焚器甲車帳數萬
計斬千餘級獲所虜生口三百餘詔書獎之 六年五
月唐龍鎮上言鎮有貿易于府州者為州人邀殺盡奪
貨畜乃詔府州自今許令互市竊加存撫 八月府州
八族都校明義等言屢於麟州屈野川擊遷賊及緣邊
立大柵防遏皆有克獲詔獎賚之仍令府州常以勁兵
援助勿失機便 是月賜內園使折推正祖母路氏詔
書茶藥時惟正請告諸府州省覲帝聞路氏常訓子孫
以忠孝之事故勞賜之 景德元年二月惟昌上言臣

與鈴轄張志言宋恭率兵入蕃界破賊寨獲人口牛馬
橐駝衣甲旗鼓四萬餘又獲芻糧至麟州詔賜錦袍金
帶勅書獎諭 閏九月北界破大狼水寨斬首俘獲甚
衆是月詔府州自今勿擅發兵入唐龍鎮管內剽掠如
蕃漢人亡逃在彼須追究者以聞當令遣還 二年八
月詔府州蕃漢雜處號為難治宜令審官院銓司慎擇
通州錄事參軍 三年正月詔以文思使知府州折惟
昌為興州刺史依舊知州事是年惟昌上言兀泥族大
首領名崖從父盛佑族為趙德明白池軍主密遣使諭
名云德明雖外託脩貢然默閱兵馬尤急慮劫掠山界
名崖以告帝嘉之降詔撫諭就賜名崖錦袍銀帶 大

中祥符二年春惟昌表求赴闕許之六月惟昌率所部首領名產等四十七人來朝貢名馬帝親加勞問宴賜甚厚命中使館伴內侍副都知竇神寶檢校之及還賜內府物遣內侍宴餞于苑中惟昌又上言先臣御卿蒙賜旗三十竿以壯戎容歲久故暗望別給賜從之

七年五月惟昌卒其母千乘郡大夫人梁氏乞令次子供奉官閤門祇候惟忠繼知州事詔可即以惟忠為六宅使知府州命入內供奉官張文質馳往獲葬所須官給又錄二子繼芳繼麟並為奉職弟偕職惟宗為殿直姪繼猷繼符並偕職天禧元年七月詔府州置納質院

仁宗天聖五年五月十一日管勾麟府路軍

馬王應昌言麟州界外西賊以水合渡河入嵐州劫掠竊慮異日或深入為寇乞下并代總管司令每至河凌合時羌兵屯戍巡托以遏姦謀從之 慶曆元年八月麟州言元昊攻圓州城逾月麟府皆在河外因山險初轉運使文洎以麟州餉道回遠軍食不足乃按唐張說嘗領并州兵萬人出合河關掩擊党項於銀城大破之遂奏置麟州此為河外之直道自折德原世有府谷即大河通保德舟楫郵商以便府人遂為麟之別路故河關路廢而弗治洎將復之而卒其後子產時為副使遂通道銀城而州有積粟可守故元昊知城中有備解圍而去復兵攻府州城中官軍六千一百餘人居民亦習

兵善戰城東南各有水門崖壁峭絕下臨大河崖腹有
微徑賊攀緣石壁魚貫而前城上矢石亂下賊死傷殆
盡攻城化而士卒力戰傷者一千餘人賊乃引退 十
一月管勾麟府路軍馬張亢言府州城外並無蕃漢居
人盡為賊境戍守之人辛勤効命乞量支給糧錢少以
慰勞從之候路通即罷 四年四月八日帝謂宰臣曰
等曰麟州糧草勞民饋運人多上言乞廢此郡其利安在
章得象等對曰麟州四面蕃漢人戶為元昊所掠今無
耕民河東之民困於遠饋欲遷麟州于府州近處其舊
州改為城寨以減遠饋之費帝曰麟州不可便廢但量
留守兵其餘軍馬退於府州近處別置一城以駐之宰

臣已下稱如聖諭則於邊事為便 十一月麟府州民
吏僧道等詣闕請益兵以禦西賊名對于便殿賜茶綵
以慰遣之僧道乃賜紫衣師號 嘉祐元年十二月以
京使知府州折繼祖領康州刺史仍賜錢五十萬以
總祖改葬其父而請借月俸因以推恩也 二年二月
二十七日龐籍言麟州屈野河西地土為西人侵耕非等
蹂踐苗稼則無由止絕然賊馬必却來漢界鈔盜常須
添兵禦敵至時人戶驚擾守邊將佐各加罪責乞降指
揮從之 四年十二月知麟州王慶民上麟府二州圖
五年九月遣中使齎詔撫諭知府州如京使康州刺
史折繼祖初繼祖欲解去州事下知并州梁適體量而

言折氏累世承襲知府州本族僅三百餘口其部緣邊
蕃族甚衆凡犒勞皆以俸錢而所用不給於蕃部借牛
耕蒔開田以收獲之利歲贍公費且朝廷俾之承襲即
與內地知州不同比年監司一以條約繩之尤為煩密
以致內不自安遂欲解去乞密加撫存之故有是治
神宗熙寧三年六月河東安撫使馮京言 見麟府豐
州所管蕃漢義軍人馬最處戰地所用衣甲創合自備
然皆貧窶三州所管七千四百餘人馬一千四百餘疋
今乞官為借支五分衣甲送管轄城寨每有事宜將官
分給所貴可以應敵從之 四年十月錄故西

州防禦使知府州折繼祖男

殿直克靜各轉一資孫可致可

繼祖

嘗有

府州繼祖請受其兄之子

之而有是命

元豐元年二月七日文思使知

府州折克柔領忠州刺史以河東路經略使韓絳言克柔承襲已及六年乞依折繼祖例優與遷官故也

六

月三日河東經略使韓絳言麟州銀成寨熟戶蕃部命子元入西界刺事為戎人所獲其子莽也已補十將今

逃歸乞與近上名目免追奪莽也恩命詔元

十將莽也免追奪

四年七月二十三日詔麟府都巡

檢使知府州折克行點兵三千選擇有官子孫部押諫張世矩等以高遵一奏乞克行領蕃兵別為一軍而朝

廷以克行守郡不可行故也 哲宗元符二年三月十
七日河東路經略司言知府州折克行捉到西界偽鈐
轄路令王皆保乃先歸順人供奉官移昇親兄雖係聞
敵擒獲緣王當誘脅招納之際乞令其弟移昇等保管
令王皆保止於府州居住存撫北界首領使圖歸順從
之 徽宗政和五年三月十日太原府路都監口府州
折可大奏伏覩皇太子受冊禮成伏聞凡宮闈大慶雖
郡邑小臣於法不許稱賀臣家亦嘗貢方物或遣母妻
入觀蓋祖宗眷遇特厚今欲乞將已俸進馬二十疋庶
効臣子之恭臣已將馬價錢赴州軍資庫送納訖切恐
有司不知有此體例不為收接伏望許令投進詔依所
乞

全唐文

宋會要

豐州

豐州本河西藏才族都首領王居之契丹補左千牛衛將軍太祖開寶二年率衆歸順又命其子承美為豐州衙內指揮使四年七月命承美為天德軍蕃漢都指揮使知豐州事以其父卒也五年授承美豐州刺史承美遣軍校詣闕上言願誘退渾突厥內附有詔褒諭之太宗太平興國五年閏五月承美上言每奉詔勾招市馬今年已招勾千牛百餘疋赴闕昨為契丹移文當州蕃漢不得於中國進貢臣以本界屬中朝不當得止契丹即發兵打劫當州西關以西蕃部三百餘帳

七年二月豐州大首領黃羅外弟乙蚌等以良馬來貢是月詔賜承美錦袍銀帶以其屢貢奉也閏十二月承美遣其弟承义上言契丹日利月益沒細兀瑤等十一族七萬餘帳內附斬首二千餘級獲偽天德軍節度使太及生口羊馬萬計以俘馘來獻賜承义錦袍金帶絹百疋八年三月承美上言破契丹萬餘衆斬首二千級追奔逐北百餘里至青塚降者三千帳獲鎧甲數萬羊馬萬計四月詔以承美為本州團練使又以本州沒細都大首領越移為檢校太傅懷化大將軍兀瑤為檢校太保歸德大將軍耶保移邈二族首領弗香克浪買乞黨族首領歲移並為歸德郎將賞功也淳

化元年七月歲才三都都判吸尾卒其子吸香因過曰
來請命詔以父棺授之二年十二日承美來朝詔遣復
還本任四年歲才正月西族大首領羅妹等十八人來朝貢
馬十八疋五年四月歲才東族首領歲羅吸先遣其子
弟朝貢至道二年四月豐州河北歲才東族蕃部首領
吸暗都判連埋伊也香埋也吸克泥等各遣蕃部弟及
男詣闕進奉真宗咸平二年十一月豐州河北歲才族
以大首領皆賞羅等以名馬來貢五年六月二日賜豐
州團練王王承美銀器百兩絹百疋茶三百觔承美自
內屬止依舊官例給俸至是麟府總管言其貪故有是
賜八日以河北黑山北莊郎族寧遠將軍龍移為安遠

大將軍昧克為懷化將軍六年正月詔賜豐州龍移昧
乞族真宗累覩邊奏云遠賊屢為龍移昧乞所敗此族
在黃河北數萬帳東接契丹北接達靼南至河與大梁
小梁相連或號莊郎昧克並語訛爾常以馬服藏才入
貢是歲令有司差豐州推官張仁珪及藏蕃官乙覈訪
其事因詔獎慰之月麟府路宋思齊_恭上言王承美乞益
屯兵望依所奏仍於三班選官充豐州監押帝曰是州
本州補置土人以為杆禦今更益兵置官即與內地無
異河東之人供饋勞止不可從也景德元年四月承美
表請朝覲從之承美自帝踐阼未嘗入朝故也八月以
承美為本州防禦使_{承美守邊歲久故擢之}大中祥符二年正月

詔豐州防禦使王承美月別給錢五萬自承美奉土內
屬以蕃官例賜祿至是特給馬四年正月豐州北藏才
西族中族首領奴移橫全等遣其子羅兒埋保來貢馬
五年豐州王承美請於州城內置文宣王廟從之五年
十一月麟府路上言承美被疾詔遣中使押翰林醫官
往視之日具增減之狀附驛以聞十二月詔以承美子
文玉為防禦代知州事又贈承美恩州觀察使錄其子
文寶為奉職孫德鈞為借職仍諭其妻折氏入謁禁中
八年二月以左侍禁王文恭為供奉官文恭承美之嫡
長子從仕離家十餘年承美卒時文恭監軍沂州初承
美奏文恭之子懷玉為子改名文玉奏補殿直常以自

隨及是歲才族首領上言文玉曉軍政請以承襲蕃漢
定議故從其請既而文恭表訴特詔遷秩九月賜知豐
州王文玉錢帛米麵羊酒等以承美葬故也天禧四年
三月以西頭供奉官知豐州勾當蕃漢事王文玉為內
殿崇班文玉知州事八年特遷仁宗天聖二年二月麟
府路上言內殿承制知豐州王文玉卒得其母樂安郡
君太君折氏并職員蕃部衆狀乞以文玉長子餘慶勾
當詔鈴轄高繼忠與府州折惟忠密切體量如王餘慶
若未經歷即於文玉本家長成子弟中定名以聞既而
蕃官王遵等乞差殿直王懷信知州事八月二十二日
河東轉運使周好問與高忠等上言得折氏狀文玉初

卒衆情舉王餘慶承天任後承美孫天門關巡轄馬遞
鋪殿直王懷信擅離本任到州造酒與教練使王勲聚
會及於王遵家管役蕃漢殺犬立誓求於食祿兒男之
內保舉一人今有三班奉職晉州監鹽懷鈞兒文玉父
婆當房親弟文誘男堪充知州所有孫男餘慶乞與一
班行豐州監押又據文玉遺表稱長男餘慶素習武藝
稍諳道理欲乞起復官資依例差知本州其第三男餘
勝第四男餘應乞於三班安排第二男餘懿昨蒙補充
齊郎不諳文墨亦望改授班行治王懷鈞轉右班殿直
差知豐州餘慶授三班借職仍除合得請受外每月特
增錢三貫文 三年八月右班殿直王懷信上言兄知

豐州文王昨身亡之時蕃官首領舉臣繼領州事為府
州折惟忠抑逼蕃官改差臣弟懷鈞竊緣懷鈞未甚歷
事不知蕃漢人情勾當八月之中走却蕃漢七戶歲才
族不來進奉深慮蕃情不順望差官體量詔河東轉運
使親往體量具詣實因依有無不便件析以聞康定二
年八月詔以豐州危急發經路三萬人入界牽制而陝
西都總管陳執中言豐州城壘極為隘陋亦無儲峙民
居不及面西面中等一寨西賊攻圍者恐設詭計以誘
西路兵馬即詔本司更不令經原路出兵慶厯六年十
月一日河東經畧安撫使知并州鄭戡言相度沙寧浪
等四處並在故豐州南深在府州腹裏西人若以此為

界麟府必難守禦乞且依舊封疆去橫陽河界詔以鄭
戩所奏畫一面今張子真候到彼與西人商議詳誓詔
內元初除去諸處二字麟府豐地_州界自_合依舊全屬漢
界別無分定如西人堅意不肯即將橫阿河外昨因西
人侵占耕種住坐處漢地三四十里定為禁地兩界各
不居占如更不肯即說與西人假如元初不曾除去諸
處二字只用所進誓書見今蕃官住坐中為界亦只可
將橫陽河外三四十里地中心為界再三商議不行即
依鄭戩所請以橫陽河界此外更不得別許近南立界
近降附張子真事節內豐州地界立作禁地一節更不
施行_{以上}神宗熙寧三年六月河東安撫使馮諒言

麟府豐州蕃漢義軍詣貧窶乞官為借支伍分衣甲從
之詳見麟州元豐元年九月十九日內殿承制王餘慶應乞叙
歸明繼襲主管豐詔以為麟州都監候滿二年差知豐
州哲宗紹聖元年正月十八日樞密院言河東經畧
司奏知豐州崇儀使張世永權府州靖化等寨巡防內
殿承制張世京府州百勝寨主右班直張操私離州寨
聚會遷葬詔世永操係遷葬各追一官世京非應差出
官令河東路經畧司具事因以聞以上續國朝會要

全唐文

宋會要西涼府

陽

西涼州也自唐末陷河西之地雖爲吐蕃所隔然其地亦自置牧守或請命於中朝天成中權知西涼府留後孫超遣大將拓拔承誨來貢明宗召見承誨云涼州者東距靈武千里西北至甘州五百里舊有鄆人二十五百爲戍兵及黃巢之亂遂爲阻絕超及城中漢戶百餘皆戍兵之子孫也其城今方幅數里中有縣令判官都押衙都知兵馬使衣服言語畧如漢人即授超涼州刺史充河西軍節度留後初超卒州人推其土人折滿嘉施權知留後遣使來貢即以嘉施代超爲留後涼州

郭外數十里尚有漢民陷沒者耕作餘皆吐蕃其州帥
失情則衆皆肅聚城內有七級木浮圖其帥急登之紹
其衆曰爾若迫我我即自焚於此矣衆惜浮圖乃盟而
捨之周廣順二年始以申師厚為河西節度使師厚初
至涼州奏請授吐蕃首領折逋反等官並從之顯德中
師後為其所迫擅還朝廷貶涼州亦不復命師今即吐
蕃之別種也太祖乾德四年知涼府折逋葛支上言有
迦鵠二百餘人漢僧六十餘人自朔方來為部落劫畧
僧云欲往天竺取經並送達甘州詔書褒答之開
寶六年涼州令步奏官僧各遣聲逋勝拉謁二人求通
道于涇州以申朝貢詔涇州令牙將至涼州慰撫之

太宗淳化二年權知西涼州左廂押蕃落副使折逋阿
喻丹來貢先是殿直丁惟清往涼州市馬惟清至而
境大豐稔因為其所留靈州令蕃落軍使催仁過往迎
惟清又吐蕃賣馬還回過靈州為党項所畧表訴其事
因惟清至來年同入朝詔答之四年閏十二月以西
涼府都總管權知軍府事俞龍波為保順節將以阿喻
丹死奏乞真命也五年西涼府左廂押蕃落副使折
逋俞龍波來貢馬至道元年正月涼州吐蕃當尊以
良馬來貢列對尉勞加賜當尊虎皮一氍毹致謝二
年七月折逋俞龍波上言蕃部頻為繼遷侵畧乃與吐
蕃都總管後睦棧于會六谷蕃衆來朝且獻名馬加厚

賜之 是年涼州復來請帥詔以殿直丁惟清領州事
仍賜牌印 真宗咸平元年十一月一日河西軍左廂
副使歸德折通遊龍鉢來朝獻馬二千疋 遊龍鉢四
世受朝命為酋雖貢方物未常自行今始來朝河西即
古涼州東至故原州千五百里南至雪山吐谷渾蕭關
州界三百五十里而至甘州固城界六百里北至部落
三百里周回平川二十里舊領姑蔑神島蕃和昌松嘉
麟五縣戶二萬五千六百九十三口十二萬八千一百
九十二今有漢民三百戶城周迴五十里如鳳形相傳
李範舊治也皆龍鉢自述云 六日詔以龍鉢為安遠
大將軍 遊龍鉢詣崇政殿謝恩因言本土造浮圖之

黃金五彩裝飾令各賜之 三年十月授西涼府六谷
大首領折逋遊龍鉢等將軍郎將司戈 四年十月以
西涼府六谷大首領潘羅支為靈州防禦使兼靈州西
南都巡檢使 先是知鎮戎軍李繼和上言潘羅支願
戮力討賊遷請授以刺史仍賜縑綵又經畧使張濟賢
請封六谷王兼招討使靈州西面都巡檢使俟其立功
則授節鉞詔宰相議其事咸曰潘羅支已為酋帥庶幾
刺史則名品太輕未付節鉞而先極王爵則典制乖順
招討使號不可假於外夷請授防禦使俾兼都巡檢之
職從之 命殿直閻門祇候李休辭假崇儀使為加恩
官告使殿直金會殿從儀副使副之 十一月以西涼

府六谷左廂副使折通遊龍鉢領宥州刺史又以其首
六族首領禧下箕等三人並為懷化將軍時西涼使
又言六谷分左右廂遊龍鉢為左廂副使崔悉波為右
廂副使朝廷所降符命龍鉢思掌之庶事與首領滿羅
支同共裁制朝廷方務綏懷故有是命十二月以如
京副使宋沆為西京府安於蕃落使太常丞直集賢院
梅詢副之沆等未行帝謂宰相曰朕有盟會國類熙
吐蕃多反覆狼子野心之事今已議令王起等領甲馬
援靈州若難為追襲即靈州便可制置沆等不須遣止
走一使以會兵告之閏十二月鎮戎軍李繼和上言
得滿羅支書見發兵討遷賊部下李萬山願得王師援

助詔繼和諭羅支朝廷有出師之期當即詔報宜整旅
以俟五年十月潘羅天遣使上言李繼遷送鐵箭誘
臣部族已戮一人繫一人以聽朝旨詔褒之所繫戎人
聽自處置十一月潘羅支貢馬千疋詔第給其直別
賜絲百疋茶百斤仍宴其部族十二月西涼府與呿
通族各遣使來貢帝曰靈州河外賀蘭山則有小涼大
涼部族甚盛舊與賊遷修好朕虞其合勢為患近累得
邊奏知與繼遷有隙迭相攻掠今西涼呿通使來可召
問其委曲因其歸俾賞詔招諭令助討遷賊侯立功則
重賞之六年正月涇原總管陳興上言潘羅支差呿
通族蕃官成通馳騎至鎮戎軍乞會合天兵同討李

繼遷本軍遣人却送赴本司在道防禦過嚴至安國鎮
成逋奔竄墜谷而死其防送使臣尋^梟首級以至帝覽
奏傷悼久之謂曰成逋乃呼逋族泥埋之于兩脅謁
皆召對與語厚加恩澤蓋念此人父子忠勤累與遷賊
鬪敵泥埋二子長即成逋次曰屈子如彼方之人皆畏
成逋蓋有材力而負智勇故也鎮戎軍防備太察遂致
奔逸及其死也忍又梟其首級即遣使臣來傳按鞠仍
令渭州以禮葬之 二月以潘羅支為朔方軍節度使
充靈州西南都巡檢使 先是羅支遣蕃官吳福聖膺
進奉到闕齎蕃書奏狀且云潘羅支感朝廷恩信憤繼
遷恣疆結集人馬與之格鬪累奪到蕃人繼遷因此數

臣

放而陷陣。蕃人今悉收繫以聽朝旨。又言繼遷鐵箭令羅支附稱已納朝廷。未知虛實。羅支見集騎兵六萬乞會王師收復靈州。願改一官量給衣甲。帝召其使詢之。又與宰臣參議。帝曰：賊遷未平，常慮西脅諸蕃益煩。禦備只如契丹，偽封繼遷西平王，雖戎狄之命不足^比地數。然便授之王爵，今來朝廷授潘羅支亦空名耳。遂有足命，仍賜人馬鎧甲。以吳福聖膺為安遠將軍，收繫之人只委羅支便宜從之。三月，以咩逋族首領錦州團練使泥埋為錦州防禦使，充靈州河外五鎮都巡檢使。帝謂近臣曰：泥埋與潘羅支自來同力討賊，部族居止密爾河外，又遣男成逋速告事宜，墜谷而死，可特與轉。

改委以河外都巡檢之任庶與羅支犄角宣力也 四
月十四日潘羅支遣使鐸論來貢且言六谷聚兵願會
王師擊繼遷詔所請會兵如至烏白池鹽州已來即為
進師 羅支屢請王師助擊賊時議以西涼去渭州限
河路遠不可預約師期第詔令常為之備俟賊侵軼即
命邊兵犄角至是復有此奏帝曰繼遷常在地近秦山
已東每來寇邊官軍才出到遠遁或六谷部族近蹙捍
禦與官軍合勢亦國家之利苟以為難必不敢復有陳
請且不失其懷心也 二十四日以西京府所屬族首
領兀佐馬家族首領渴東周家族首領廝那叱的流族
首領箇羅趙家族首領阿斯鐸嗟廝波日姜族首領鐸

論並為懷化即將從潘羅支之請也 八月西涼府者
龍族都首領遣使貢名馬十七疋帝以其常與潘羅支
協力抗賊命優待之 十一月繼遷攻西蕃入西涼府
知州丁惟清陷沒潘羅支偽降未幾集六合諸豪及者
龍族合擊繼遷大敗中流矢死 景德元年正月遣使
斬陀完押衙鄭延美以六谷蕃馬三十疋來貢且獻捷
斬陀完即潘羅支之甥也潘羅支又言洪元寺壞乞給
工匠及賜金碧綵脩繕之詔以尚方工匠難以速去
除從其請 三月潘羅支上言本道番族首領閻藏請
賜虎皮翻披從之西蕃之俗受人推奉故有是請 六月又遣其
兄邦通文入奏且言去年十一月二十六日與蕃賊李

繼遷戰大勝之然彼却却牌印官告衣服器械今以良馬珍貢乞再頒賜且欲更率部族及回鶻精兵直抵賀蘭山計除殘孽願發大軍援賜詔曰卿忠順朝廷保庇部族警戒克狂之黨益堅臣子之心速率種人同拒遷賊戰聞斯久殺獲頗多每念爾誠不忘朕意所乞會合大兵掩殺遷賊朝廷近知繼遷已死未經殯葬所以未欲討除今卿等既領師徒速平離敵免為後患甚是良圖所乞會兵即緣地里稍遙月日未定今議候卿等才集諸族人馬起離西涼即差心腹人走馬來報涇原鎮戎軍總管司已令至時不候朝旨率兵前進至賊泊兩蒲關天都山已來牽制賊徒伏截道路賊界定須兩面

救應如此邀擊必可成功彼中諸事更竊審詳佇靜遣
陞永保富貴時朝廷所賜潘羅支牌印告勅國信物
悉為繼遷所劫去至是羅支貢馬請別給賜從之十
月十七日詔故西涼府六谷都大首領朔方軍節度靈
州管內觀察使處置營田押蕃落等使靈州西面緣邊
都大巡檢蕃羅支可追封武威郡王遣使聘卹其家以
其弟廝鐸督為靈州防禦使兼靈州西面緣邊都大巡
檢使時押賜羅支國信使臣焦贊上言昨離渭州至
龔谷頗家族問得都首領尊反諸路族首領便囑等言
去歲六月中李繼遷攻者龍族羅支率隨身百騎赴之
儀併兵攻討繼遷而族帳養迷般囑與日逋告羅母者

先自繼遷所亡歸者龍族因率其屬殺羅支於其帳者
龍凡十三族而六族附從迷波嚕及日逋吉羅丹西涼
府既聞羅支被害遂率龕谷蘭州宗哥覓諾諸族來攻
者龍六族六族悉投窠山谷臣先奉詔令公路安撫諸
族蕃部其者龍六族已諭旨安集兼西涼府六合首領
議立羅支之弟廝鐸督言廝鐸督剛決平恕每會酋豪
設觴豆飲食必先卑者犯令雖至親不貸凡再率衆攻
繼遷部族虜獲甚衆頗有威名為一境所伏帝以遷賊
未平籍西涼為腹背故奏入有褒贈之命而以羅支舊
扶授之 二十三日以廝鐸督為金紫光祿大夫檢校
太保靈州刺史充朔方軍節度靈州管內觀察處置營

田押蕃落使兼靈州西面緣邊都大巡檢使西涼府六
谷都大首領封西平郡開國侯食邑千戶 帝以遷賊
未平籍西涼腹背攻制遂以羅支舊秩悉授之 其年
涇原路言隴山縣王狸延三族歸順二年二月所鐸督
遣外王呵昔與涼州教練使賈人義以名馬來貢并具
與趙應明戰鬪所獲人馬之數來上帝召見慰諭優加
賜與 又言蕃帳周斯那支有智勇久參謀議請授以
六谷都巡檢使帝以嘉獎之詔從其請賜茶絲 三月
二十四日西涼蕃部樣丹 求市弓矢歸蕃有司舊例
弓矢兵器不入外國帝以其宣力西陲委之捍寇特令
渭州給賜仍別賜其酋鐸督 二十五日以潘羅支

子潘失告為歸德將軍仍賜銀絲者龍七族悉補其首領月給千錢時廝鐸督又貢馬求易金絲修洪元佛

寺詔如所求賜之還其馬耳四年廝鐸督又遣使獻馬

二年四月西涼府蕃部州斯那支為六谷都巡檢使

賜茶絲那支有智勇戎人畏之廝鐸督言其久參謀乞授此職故也三年正月詔以西涼者龍族舍窮此等

七人渭州黨宗族業羅並為檢校太子賓客本族首領

又以廝羅督甥第九子廷廝哥為安化即將五月西

涼府龜谷懶家某家者龍當宗章達等十族朝見進馬

牒以酒食賜與有差是月廝鐸督遣安化即將路黎奴

來貢黎奴病於館特遣尚醫視療及卒帝憐之厚加

贈給時鐸督又遣人上言部落多疾乞賜蕃物白龍腦
犀角硫黃安息香紫石英之類凡七十六種并求弓矢
皆可之藥同而名異者今鐸人辨之而給來者感悅而
去是月詔加厠鐸督檢校太傅又以厠鐸督蕃部馬
咸山渴龍刑家納迷水馬波乞當龍谷懶家小龕谷章
家心山王家者龍諸族及李波通等四十九人並為檢
校太子賓客兼監察御史充本族首領并郎將六月
厠鐸督遣蕃部波機進馬因上言積官俸半年未請乞
就京給賜市所須物從之七月令秦翰因便諭意西
涼府厠鐸督令諸蕃部嚴斥猴以備趙德明以鄯延路
總管石普入奏德明信約未定點集蕃部也十二月

廝鐸督遣吐蕃左右廂副使曰逋速鵠等來貢馬且
乞優給馬價犒設蕃部從之 四年五月廝鐸督遣兵
六谷十八首領蘭逋赤等朝貢且言感朝廷優卹故擇
名馬修貢命中使就禮賓院犒設之 是月渭州通事
何忠至西涼府得廝鐸督印帝令臣填書告朝廷諸事
因詔自今並須蕃書用印無得以印紙給與諸色人令
赴關奏事 九月遣渭州指使借職李仁義齎詔賜廝
鐸督茶藥襲衣金帶其部下蕃族錫賚有差仍令約回
鵠為援以備趙德明時邊臣有上言德明謀襲西涼及
回鶻帝以六谷其州久推忠順思撫寧之且以仁義諸
西鄯事因遣使焉 十二月廝鐸督遣使來貢大中祥

符元年六月賜西涼府進奉僧法滿紫方袍 十二月
二十三日廝鐸督遣蕃部廝鐸奴等貢馬 二十八日
制加廝鐸督檢校太尉食邑千戶食實封三百戶 二
年二月廝鐸督遣使來貢十一月又遣使貢馬五疋
三年五月賜免諾族可領溫通藥以所部瘡疫從其請
也十月廝鐸督及滿羅支男失吉又遣使貢馬有司言
廝鐸督馬三疋估五百七十貫滿失吉馬三疋百一十
貫帝曰廝鐸督與諸蕃不同常宜優獎行進馬每疋賜
銀五十兩失吉馬共賜百五十貫仍賜錦袍銀帶衣吉
遣之 四年三月西涼府吐蕃潘壽石鷄等來貢 九
月涇原鈐轄曹瑋上言趙德明軍校蕪守信無故領兵

攻西蕃乞當族其首領斬鐸督會諸族禦之大敗其衆
十月斬鐸督遣僧蘭邈邈來貢賜紫方袍 十一月
以斬鐸督子為懷化郎將 五年十一月斬鐸督遣其
子來貢馬及求賜藥物 七年四月斬鐸督遣使來貢
十一月六谷蕃部來貢 八年五月斬鐸督遣蕃部
欽盤等來貢馬 七月西涼府僧鶻訛失羅來朝賜紫
方袍 十月西涼府哥蕃部斬鐸督來貢馬十二疋其
姪又獻馬三疋 天禧四年三月詔西涼府迎鶻自今
貢奉並由秦州路秦州言蕃部阿斬鐸納款歸順 仁
宗天聖四年正月者龍族首領斬鐸督捨欽波遣蕃部
斬鐸完於貢馬賜衣服銀帶遣之